

列傳上卷十一

儒行

宋

侯可字無可父道濟以儒學稱可少喜氣節既壯篤志爲學博極羣書尤熟於西北形勢孫洺征儂徭請參軍事以功知巴州化城縣一變其尙鬼信巫之俗遷宜州判官嘗引數十騎按視夏境猝與敵遇可分騎爲三列幟徐行敵疑爲誘騎不敢逼韓琦薦知涇陽說渭源羗酋輸地八千頃因城熟羊以撫之琦上其功以言水利復鄭白渠得召對至殿中丞宋史有傳生平以勤學新

民爲已任宦學四方遂徙居華陰種子耨其畝心於天
人性命之學故陝以西學者莫不宗之

侯仲良字師聖道濟孫初從伊川學未悟乃策杖訪濂
溪留之對榻夜談越三日往質伊川伊川訝曰非從茂
叔來耶後遊荆門胡康侯重之嘗遺書楊大諫曰講論
經術則通貫不窮商略時事則纖微皆察方值艱難使
此輩身老貧賤亦良可慨尋卒所著有侯子雅言論語
說諸書行世

明

孫浩字養氣元塔海之後少負才名力學有聲所爲詩

文人每珍之洪治間以貢授阜平訓導教諸生有法雖甚寒暑不懈士多成就秩滿歸喜以學行規人少年跖弛之士恒避不敢見

賈朝相領正德丙子鄉薦任平涼府訓導陝西通志云氣宇恢宏學問淵博平涼師道之立實自此人始擢順德府同知遷邠州知州

張鶴字鳴皋廩生幼喪父事母曲盡歡心平生卓立不苟應貢讓他人僉憲宋某曰爾年已艾不貢何爲鶴曰爲學之事更有大於此者終不就後二年以母節孝旌表恩賜冠帶居家嚴常訓其子曰學問之道無他惟

三原志卷之二
真知實踐而已子淑名官大理評事時贈鶴如其官

鄭彰字從仁領天啟丁卯鄉薦性孝友喜施濟潛心道德饒有領悟巡按余某聞其賢特疏薦云鄭彰學識兩到才品雙超於誦詩讀書之中裕經綸康濟之略不報國朝

王誠一字慎菴性樸厚不妄言笑爲諸生屢舉優行學使孫肇興問孟教官王生七次行優果有何行對曰安貧守道一介不輕邑從游甚衆名士多出其門順治七年充貢任平陽府運司訓導手書孝弟忠信四字於堂諸生來謁指謂曰吾平生所學惟此願與諸生共勉之

不率教者申學使禩數人運學肅然遷平順教諭平順
士習荒陋誠一日詔諸生講說寒暑無間士多化之年
七十有八卒

張漢標字豈猷父藩見宦績漢標以拔貢任靈石教諭
課士務以道義相勉不取束脩不事煩苛居鄉建義塚
施棺木焚債券數百紙以長者稱子焜官黃州知府
趙鍾彥字佐公領康熙丙午鄉薦授陽州學正課士有
法當事引重嘗指謂僚屬曰趙廣文宮牆之望也以卓
異薦丁母憂歸

李呈素字繪箴少孤事母孝以春秋領康熙壬子鄉薦

是時陽明之學未熄呈素獨宗朱程未仕卒

韓佑唐字仲勳領順治丁酉鄉薦授河南新安令廉明愛士構補過亭自爲之箴詞理純正其不欺幽獨之意概可想見罷歸時鐫有德政實錄似謠蓋口碑也

王璠字韞輝號石和父纘先以孝稱璠生而穎異成童時讀朱程等書卽慨然以誠意正心爲務登康熙丙戌進士第改庶常授檢討與修

三朝國史以親老乞休許原品歸里喜曰吾志遂矣璠善引掖後學主講晉陽書院十餘年門人登甲乙科者百數十人歸時諸生立教澤碑卒於家璠爲文自出性靈不齷

齷隨世態鄉居數十年規言矩行以禮讓爲先所著有
韞輝時文稿石和古文大河以北未之先也歿後門人
請於當事祀三立閣

閻泮源父順以孝著泮源性孝友凡所舉動皆依父所
撰小學務實諸書罔敢越以舉人授代州學正日以忠
義孝弟爲諸生勸八十致仕歸猶於祠堂內晨夕洒掃
不令人代子光嶼領雍正壬子鄉薦

史永直字司正號雙鶴父承璿以歲貢任榆次訓導性
孝幼侍二親卽動合禮節永直其仲子也少志學續穴
經史領雍正丙午解首主司謂其文似西銘正蒙屢躋

春官乃取舊所習六藝百家諸書沈潛反復而折衷於
有宋諸儒專以開導後學爲務選安化令改安邑教諭
維風化勤勸課學者翕然宗之告歸卒卒之先數日猶
鋪紙滿案寫律呂全書蓋其性然也所著有讀書管見
十三經紀略二十一史雜錄考古雜錄及文集諸書藏
於家

張伸字暢然廩膳生讀書務實學孝經小學近思錄諸
書皆手自抄輯間以已心所得或引諸儒語類附其後
身體力行日孜孜然母老少睡伸每夕侍側道古今故
事及傳奇演義以娛之子汝夔舉於鄉主司謂此以隱

德獲售者殆仲所致歟

史獻詠字雲和一字鳴和歲貢生幼負異才讀書過目
成誦十二歲應童子試出語驚宿老弱冠食餽得劇疾
不愈遂絕意科目教授鄉里以真知實踐爲務嘗謂士
人無行讀書何爲凡所討論悉宗程朱學者翕然稱善
卒時生徒哭奠溢寢門販夫牧豎有感嘆流涕者

忠節

後周

王雄儀貌魁偉魏末從賀拔岳入關累官少府進柱國大將軍封庸國公與齊將斛律明月戰死贈太保諡曰忠子謙性恭謹襲爵東征力戰累進上柱國授益州總管隋文革命謙以世受國恩意圖恢復據蜀竟死於難

金

趙彝官太原府監軍使憤國事多艱瘁躬効力險阻不避金革命涕泣解組綬遂隱不仕

元

拜不花字原臣汾州都監事乞答亥子蒙古人授忠勇校尉監平定州事尋拜內府斷事明兵下太原不花死之鼎革後子孫家於孟改姓孫

明

郭浩貢生官工部主事以才能顯英宗北狩隨駕至土木被執不屈而死贈員外郎子思聰以難廕太學生任鉅野縣主簿思恭以歲貢任平涼府知事

韓能正統時官隨駕將軍駐蹕土木能執金瓜奮勇力戰死之

趙鍾濂字霽宇號蓮塘領萬厯間鄉薦聰慧早達性孝

友親病禱於天願以身代先人遺產悉以與弟官延安府司理延地近沙漠俗剽悍鍾濂丰采毅然豪強斂手撫按檄核邊功有暮夜懷金來謁者鍾濂峻拒之偏裨不敢復以私干

楊虎萬全縣左營衛千總明嘉靖間倭寇犯境虎力戰歿於軍贈以伯爵有墓在大賢村西北里許

國朝

李廷佐明武生以嫺騎射給冠帶把總於本色各隘口防守順治初土寇警廷佐晝夜巡邏竭力捍城頗著勞績後逐賊至黃沙口爲飛礮擊傷而亡賊平贈都司

以上

舊志

楊瞞字東陽烏沙村人少英銳慷慨有氣畧中乾隆乙酉武舉任陝西西安府撫標左營千總越十餘年推陞不就甲辰四月甘省賊匪滋擾蔓延數百里勢頗猖獗瞞請從征隸都統明麾下明所部三百兵西安駐防也五月抵靜甯州石峯堡賊眾千人伏山坳官兵搜山屯山嶺用鳥銃擊之銃自上下擊必俯俯則火機未發銃中之子已落雖轟轟有聲不能斃人倉猝之間都統不暇計瞞亦不暇計也賊察其銃空無子兵又少乃蜂擁而上官兵氣靡或斃或逃三百人無一存者都統已爲

賊戕瞋憤甚力殺十餘人雙背俱裂猶奮勇大呼一賊
躡於後砍其右臂臂斷血肉淋漓仆遂亦被戕時年四
十歲蒙 卹典給祭葬銀百五十兩晉秩一級從祀昭
忠祠廕其子以千總世襲罔替送部引 見承襲

孝友

宋

張象儀天禧進士魏子登仁宗皇祐進士第性孝友嘗訓子曰吾家世清白吾平生所親必先族人自汝視族人雖有疏戚自吾祖視之則一體也苟薄於族誼於祖爲不孝於族爲不仁何面目見先人於地下乎爾等志之官殿中侍御史彈劾不避權貴轉朝請大夫吏部考功司郎中太常卿至金紫光祿大夫吏部尙書特進左僕射卒於官

李志學性至孝登孝宗口熙進士第授校書郎母歿廬